



Publicaziuns officialas dils 12-04-2019

Damonda da baghegiar

Nr. 08/2019

Datum da publicaziun: 12-04-2019

Patrun: Tuor Werner, 7175 Sumvitg

Liug e parcelas: Tscheps Su; 4219

Object: spazzar e reconstruir parts dalla tegia da mises

Nr. 25/2019

Datum da publicaziun: 12-04-2019

Patrun: Herger Hans, 7175 Sumvitg

Liug e parcelas: Vals; 6413, Tschentanes; 6434, Tresch; 6266

Object: ulivaziun da terren e construcziun d'ina via da cultivaziun

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 12-04-2019

Cumissiun da baghegiar

Radunonza da vischnaunca

La proxima radunonza da vischnaunca ha liug mesjamna, ils 1 da matg 2019 allas 20.00 uras a Rabius.

Gliesta da tractandas

1. Avertura e beinvegna
2. Elecziun da 2 dumbravuschs
3. Protocol dalla davosa radunonza communal dils 14-12-2018
4. Tractaziun e concessiun dil credit brut da 250'000 francs per la planisaziun dil project Lag Salischinas
5. Tractaziun ed approvaziun dil project canalisaziun e serenera Pardomat Dado e concessiun dil credit brut da 145'000 francs
6. Tractaziun ed approvaziun dil project sanaziun mir santeri Sumvitg e concessiun dil credit brut da 960'000 francs
7. Tractaziun ed approvaziun dalla revisiun parziala dil plan general d'avertura Rabius/Marias
8. Tractaziun ed approvaziun dalla revisiun parziala dil plan general d'avertura Laus
9. Orientaziuns
10. Varia

Sumvitg, 12-04-2019

Suprastonza communal

Candidats proponi per elecziuns communalas (perioda d'uffeci 2019 – 2022)

Tenor art. 22 dalla lescha da votaziuns ed elecziuns ein las suandontas candidaturas vegnidas annunziadas entochen ils 15 da mars all'administraziun communalala. La successiun dils numms se presenta cheu sut sco previda ella lescha tenor alfabet.

President communal	Candinas Armin, Rabiun (veder)
Geraus	Bearth Giusep, Sumvitg (veder) Candinas Robert, Surrein (veder) Deplazes Ignaz, Surrein (veder) Duff Marcus, Cumpadials (veder)
Cumissiun da quen e gestiun	Damiano Michele, Rabiun (niev) Degonda Rafaela, Sumvitg (niev) Schnoz-Flury Manuela, Rabiun (niev)
Cumissiun da baghegiar	Forster Ulrich, Surrein (niev) Monn Erwin, Sumvitg (veder) Tuor Eduard, Rabiun, (veder) Veckmans Sonia, Sumvitg (niev)

Sumvitg, 12-04-2019

Suprastonza communalala

Elecziuns communalas 2019 (1. scrutini) dils 14 d'avrel 2019

L'urna ei aviarta (en canzlia communalala)

gievgia e venderdis mintgamai duront las uras da spurtegl
dumengia, ils 14 d'avrel 2019, dallas 10.00 – 11.00 uras

Sonda e dumengia, ils 13 e 14 d'avrel 2019 mintgamai avon il survetsch divin en las fracziuns sin plaz cadruvi.

Ils cedels da votar ein vegnir distribui. Tgi ch'ei eventualmein aunc buca en possess da tals ei supplicaus da s'annunziar tier l'administraziun communalala.

Adatg!!!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sin il certificat pil dretg da votar.

Sumvitg, 12-04-2019

Suprastonza communalala

Vignettas da mopeds

La vignetta da mopeds 2019 sa vegnir retratga tier l'administraziun communalala. La taxa unta **frs. 43.--**.

Sumvitg, 12-04-2019

Administraziun communalala

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 12-04-2019

Departament stradal

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 26 d'avrel 2019 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electriche cun e senza ieli e.a.v.),
- mobilier movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzars da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzars da rodas, aissa-rulletta e.a.v.),
- blachas da ballas da silo (verdas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras la scolas resp. las uniuns.

Ils suandonts rumians vegnan rimnai cun ils rumians jamnills e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 12-04-2019

Departament d'ambient

Preavis

Radunonza generala da Sumvitg Turissem

La proxima radunonza generala ha liug **venderdis, ils 10 da matg 2019** allas 20.00 uras ell'ustria Staziun a Sumvitg.

Sumvitg, 12-04-2019

Sumvitg Turissem

SumvitgViva

Radunonza generala

Nus envidein Vus cordialmein alla radunonza generala da SumvitgViva che ha liug **sonda, ils 27 d'avrel 2019** allas 20.00 ell'aula dalla casa da scola a Sumvitg. Ils commembers han retschert la gliesta da tractandas per posta. Quella ei era publicada sin nossa homepage.

Sumvitg, avrel 2019

La suprastonza

Uniuns da dunnas dalla vischnaunca Sumvitg

Nus organisein in cuors da cuser

Tgei: mintgina tenor giavisch

Menadra: Yvonne Flepp

Nua: Rabius

Ils 24-4-2019 sentupada per ina informaziun tier Yvonne. Informaziuns ed annunzias entochen ils 19-4-2019 tier Olivia Decurtins, tel. 079 663 32 00. Sin stedia participaziun selegran *las uniuns da dunnas*

Cuors: crear vasas, ruclas, scadialas eav. da betun

Ils cuors han liug a Danis, Via Sut Baselgia 3,

mardis, ils 7-5-2019, gievgia, ils 9-5-2019, sonda, ils 11-5-2019, mintgamai allas 13.00 – 17.00 (las creaziuns san ins retrer l'auter di). Anna Maria Fry (tel. 0819432257 /

annamaria@muntogna.ch), dat bugen bugen dapli informaziuns e pren bugen encunter Vossa annunzia entochen ils 1-5-2019. Nus selegrein sin stedia participaziun.

Uniun samaritana Sumvitg-Trun

La proxima acziun da spender saung ha liug: **gliendisdis, ils 15 d'avrel 2019**, dallas 18.30 – 20.30 en la Sala da cultura a Trun. Sin bien seveser, cun quei spender saung spendra veta!

Uniun da catschadurs Greina, Sumvitg

Invitaziun alla tgira da primavera

Nus serimnein **sonda, ils 27 d'avrel** sil plaz scola a Sumvitg. Temps da lavur: 7.30–13.00. Piazza da lavur: Clavadi, Pigniu e contuorn. Uaffens: Vons, resgia da cadeina, capellina e caultschas da resgiar da segirtad. Eventual sclariment dat nies cau da tgira Corsin Giger, tel. 078 736 97 90 ni sut www.catschadurs-greina.ch Cun amicabels salids e sin seveser! Per la suprastanza, *il cau da tgira, Corsin Giger*

Club da tennis Trun

Preparaziun dils plazs e contuorn

Preziadas commembras, preziai commembers
La primavera ha finalmein entschiet. Sche las relaziuns ein bunas, san las preperativas dils plazs ed il contuorn vegnir exequidas. Il datum per la lavur cumina ei vegnius fixaus sin **venderdis, ils 12 d'avrel** naven dallas 17.00 e **sonda, ils 13 d'avrel 2019** naven dallas 8.30. Ils commembers vegnan orientai la sera avon per mail sch'il di da lavur cumina ha liug definitivamein. Per spisa e bubronda vegn procurau. Sin stedia participaziun selegra *Club da tennis Trun*

Producziuns finalas – MOVIS

Per la 19avla gada presentan varga 120 amatars da MOVIment e Sault cun anim e plascher lur coreografias silla tribuna dalla halla Cons/Mustér.

Cu? **venderdis, ils 12-4-2019**, allas 20.00

sonda, ils 13-4-2019, allas 20.00

dumengia, ils 14-4-2019, allas 14.00

Aufführung – MOVIS

Zum 19. Mal präsentieren 120 Bewegungs- und Tanzamateure mit Freude und Begeisterung ihre Choreografien auf der Bühne in der Halle Cons/Disentis.

Wann? Freitag, 12.4.2019, um 20 Uhr

Samstag, 13.4.2019, um 20 Uhr

Sonntag, 14.4.2019, um 14 Uhr

Vegni e mirei! Nus selegrein da Vossa viseta. *ils Movis*